

擬稿

3月30日「全城護眼·築福香港」活動

香港執業眼科醫生會

扶貧委員會社會參與專責小組

紀文鳳副主席發言全文

Regina(梁太)、周(伯展)醫生、邱(健)醫生、各位嘉賓、各位朋友、各位小朋友：

中午好！首先，十分感謝香港執業眼科醫生會榮譽贊助人，梁太，今天親自來到「全城護眼·築福香港」活動來到主禮，令社會各界提升對護眼同弱視的關注。

今次策劃「築福香港」，令我再一次感受到社會上無論是大公司、中小企、專業人士、不同團體，甚至個人都做咗很多回饋社會、關心社區的好事。以往是各自做，力度比較分散，所以今次「築福香港」希望透過「民、專、官」三方合作，凝聚力量，團結各界，構建一個平台，將各界自發舉辦嘅不同扶貧活動結集一起，配合社福機構、地區人士、政府部門，一齊攜手推動，希望大大增進扶貧工作、幫人的成效。

周伯展醫生一向熱心公共事務、樂於助人，大家都知架啦。今次「全城護眼·築福香港」活動得以啟動同埋成功，其實就係有一次，我咁岩碰見周醫生，同佢講起「築福香港」，他即刻問「有冇野可以幫手」，我就講，不如用上周醫生你的專

擬稿

業知識去幫基層家庭及少數族裔的兒童，都係一個好好的 idea。

之後，周醫生就同埋邱健醫生係幾天內，草擬好一個計劃，他們還說，「仲要有講座，讓社區的大朋友小朋友獲得知識，做好護眼」。不單止咁，他們仲說，醫生們仲會提供轉介信，讓有需要的小朋友可到屬會的執業眼科醫生獲得一次義診，仲包埋藥。

因此十分感謝兩位，同埋今天到場幫手的醫生們，為我們的學童出力。

「築福香港」每月都有唔同主題同對象，今個月係「學童月」，今次活動也是特意去幫 120 位學童，檢測視力。

4 月係青年月，其中的旗艦項目係 4 月 12 日「協青狂舞派對」，主要是由港大通識教育的學生和協青社的街青共同製作，實行年青人撐年青人。

5 月親子月，係 5 月 4 日我們計劃在屯門公園有一個千人參加的共融遊樂場，倡議傷健共融！

6 月家庭月，香港旅行社東主協會捐出 1000 張入場券，招待在職貧窮的家庭，去迪士尼樂園和昂平 360。

擬稿

6, 7 月是世界盃，我們希望為劏房戶安排一些特備睇波活動。

所以我地見到「築福香港」係一個平台，讓各方不同的有心人，可以有一個協同效應，幫多啲人，幫多啲香港，讓「能夠幫人，您的福氣」的信息，傳揚出去。

最後，再一次感謝周醫生、邱醫生、香港執業眼科醫生會等等有心人同專業人士，為香港出心出力，照顧弱勢社群。

多謝各位。

(904 字，讀約 4 分鐘內)

XXX